

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 84. Donationes gratuitæ an & qualiter sint materia Simoniæ.

---

[urn:nbn:de:hbz:466:1-73982](#)

quam probabilius tenet Castrop. num. 6, cum Ugo. tab. I. c. 10. §. 3. n. 3. & Suar. cit. c. 18. in fine. Si docetur Christianus solum ad juvandam memoriam & exercendam illam. Este vero Simoniacum, si tradatur ad confirmandum illum in fide, & operandis juxta illam, eò quid introductio talis, utpote ad finem supernaturalem ordinata, sit opus supernaturale; idque à fortiore, si sit instructio infidelis, ut ad fidem convertatur, & maxime facta in baptismo, cùm sit Ministerium Ecclesiasticum. Trasdunt præter cit. AA. Less. l.c. & Soto l.c. q. 7. a. 1. in fine. Idemque dicendum de concione habita ad infideles convertendos, fideles in fide conservandos, incitandosque ad operandum juxta illam. Idque quia est maximus spiritualis, tam ex parte finis, quam ex parte principii, cum concionatores sint ministri Dei & loco illius subrogati. D. Thom. l.c. a. 3. ad 2. & ibi Cajet. Angel. V. Simonia num. 9. Holt. in summa l.c. tit. 5. Less. num. 79. Suar. cit. c. 18. n. 2. Castrop. l.cit. n. 7. Plura de his ad tit. 5.

*Quæst. 84. Donationes gratuitæ, an & qualiter sint materia Simoniae?*

**R**esp. Primò: Donationem rei temporalis etiam gratuitam seu absque omni pacto & obligatione pro consequenda re spirituali prohibiti posse ab Ecclesia ob reverentiam rerum Spiritualium, ne commutari videantur cum temporali, extra controversiam est: Et ita exp̄s Cardenas in crisi super 46. propositiones damnatas ab Innoc. XI. disert. 27. cuiusratione fide apud me in foro benef. n. 3. 4. 7. 4. 6. Atque ita, si talis donatio fiat stante prohibitione, peccari contra religionem, adeoque Simoniacum, tenent Suar. tom. I. de relig. l. 4. de Simon. c. 40. à n. I. apud Castrop. l.c. p. 5. n. 1. Carden. l.c. n. 74. Quæ in contrarium opponi possunt, vide dilata à me l.c. n. 3. & 4. Castrop. tamen num. 6. inquit se nullam donationem talis gratuitam intuitu religionis prohibitam aut ut Simoniacam damnata invenire (de quo vide me l.c. n. 5.) uī nec onerosam, quæ emptio & venditio non sit extra materiam beneficialem; & in foro conscientiae, & in foro externo, quomodo cumque donatio fiat cum onere dandi spirituale, nisi ab Ecclesia sit approbata, præsumatur fieri pro spirituali in commutationem illius, & ut Simoniacam puniri. Porro ex quibus in dubio, utrum donatio sit mere gratuita, an vero per modum pretii aut compensationis colligatur, v. apud me l.c. n. 6. Ad il- lud etiam, quod præcipue in contrarium assertur ex Tid. Sess. 21. c. 1. de reformatione; ubi ait: *Quoniam ab Ecclesiastico ordine omnis avaritia suspicio abesse debet, nihil pro collatione quorumcumque ordinum, etiam clericalis consura, nec pro litteris dimissoriis, aut testimonialibus, nec pro sigillo, nec alia qualicumque de causa etiam sponte oblatum, Episcopi aut alii collatores & eorum ministri quovis praetextu accipiant; ad illud, inquam, dicit cum Suar. tom. 5. in 3. part. d. 3. n. 23. in fine. & Less. l.c. du. 30. n. 61. in fine, ex mente Concilii non committi Simoniam per talis donationes etiam de*

Jure Ecclesiastico, cùm solùm prohibeat tanquam affectum avaritiae, ut pater ex principio hujus decreti. Et licet postea addat Concilium, contrarias consuetudines favere Simoniacæ pravitati, non esse satis, ut sit Simonia. Ad hæc decretum hoc non intelligendum de iis, qui obtento jam ordine aliquid dant spontaneè, aut quasi coactè, ut obtinere possint litteras dimissorias, quia talis datio non procedit ex ambientis petitione; sed de dantibus spontaneè ante Ordinum susceptionem, deque illis, qui postmodum ex obligatione antecedente donant, tradit Castrop. l.c. n. 2. citans pro hoc Less. l.c. n. 62. Salzedo inpræt. crim. c. 27. & alios. Idemque esse, si quid coactè det pro admissione ad professionem, quia videtur q̄s quædam redemptio vexare, ut Rebuff. tit. quot modis benef. acquir. n. 13. Garc. de benef. p. 8. c. 1. à n. 93. quibus favere dicit Suar. de relig. tom. I. l. 4. c. 48. q. 11. Ac denique cum eod. Less. tenet accipientes excusari posse consuetudine, quæ, et si corruptela videatur ob speciem mali, talis tamen non sit, quamdiu non exigitur temporale in commutationem spiritualis. Et licet talia statuta & consuetudines eriam immemoriales eo tempore existentes abolerent, non tamen irritaverit denuo nascituras, ubi tempus requisitum ad consuetudinem contra legem canonicaem compleverint.

2. Resp. Secundò: Simoniacum est dare temporale pro spirituali tanquam gratuitam compensationem illius, ut constat ex damnata ab Innoc. XI. hac propos. dare temporale pro spirituali non est Simonia, quando temporale sit solūm gratuita compensatio. Hanc *Quæst.* à me ex professo tractatam v. in foro benef. p. 3. q. 745. Ubi etiam, qualiter talis donatio compensativa distinguatur à donatione simpliciter gratuitæ. Item an committatur Simonia per communem illum modum & praxin, quā sollicitantes & rogantes pro re aliqua spirituali uti solent dicendo: dignetur esse memor mei, vel, queso, conferat aut procuret mihi hoc beneficium, exhibeo me gratum; non ero ingratus; promitto me futurum gratum; confide in me; sum vir honestus.

*Quæst. 85. An & qualiter circajus percipiendi decimas Ecclesiasticas committatur, aut non committatur Simonia?*

**R**esp. Jus decimatum Ecclesiasticum propriè & formaliter & secundum primariam institutionem sumptum, quatenus nimurum in titulo spirituali fundatum vendi aut permutari nequit sine Simonia. Laym. Theol. mor. l. 4. Tr. 6. c. 6. num. 2. juxta communem, arg. c. ult. de rer. permut. Secus est de eo materialiter sumpto pro sola utilitate fructuum percipiendorum præcisa à spirituali jure, quod vendi, locari, alterve permutari, etiam laicos prohibitum non est, utpote quod ut tale temporale, & estimationem recipit, quod qualiter fiat, vide apud me in foro beneficiale p. 1. q. 474. &c. & pluribus qq. sequent.